



Republika e Kosovës
Komuna e Drenas(Gllogoc)
Kuvendi i Komunës



02 Nr. 060/21-17886 dt. 13/05/2025

Në bazë të nenit 52 të Ligjit nr. 03/L-40 për vetëqeverisje lokale, nenit 42 pika 42.2 të Statutit të Komunës së Drenasit, nenit 12 pika 12.2 dhe nenit 21 pika 21.2 të Rregullores të punës së Kuvendit, Kryesuesi i Kuvendit të Komunës së Drenasit z. Bekim Lestrani, me 19.05.2025 (e hënë) duke filluar në ora 10:00 në sallën e Bordit të drejtorëve të Komunës.

THËRRET
Mbledhjen e Komitetit për Politikë dhe Financa

Mbledhja do të këtë

Rend dite:

1. Procesverbalin e mbledhjes së Komitetit për Politikë dhe Financa i mbajtur më datën 18.04.2025
1. Propozim-vendim për financimin e projektit "HANDIKOS"
2. Propozim për ndryshim-plotësimin e rregullores për taksa, tarifa, ngarkesa dhe gjoba.
3. Të ndryshme.

Drenas, 13.05.2025



Kryesuesi i Kuvendit të Komunës

Bekim Lestrani



Republika e Kosovës

Komuna e Drenasit

Kuvendi i Komunës



02 Nr. 060/04-17967 dt. 12/05 2025

PROCESVERBALI

I mbledhjes së Komitetit për Politikë dhe Financa, mbajtur më 18.04.2025, e cila filloi në ora 10:00.

Mbledhjen e kryesoi Bekim Lestrani-kryesues.

Kryesuesi i Kuvendit Bekim Lestrani, deklaroi të hapura punimet e mbledhjes së Komitetit për Politikë dhe Financa.

Në mbledhje morën pjesë: anëtarët e Komitetit për Politikë dhe Financa, Malësore Cakiqi (PDK), Azemine Bujupi-Gjoka (DD), Hamit Haxhiu (DD), Arbër Halilaj (GREEN), Hamit Kastrati (PDK).

Mungoi: Florentina Elezi-Veliu (VV).

Të pranishëm ishin edhe: Arben Shala, nënkryetar i Komunës, Petrit Sinani, drejtor i Drejtorisë së Inspeksionit, Albulena Salihuka, drejtore e Drejtorisë së Financave.
Mbledhja do të këtë

Rend dite:

1. Procesverbali i mbledhjes së Komitetit për Politikë dhe Financa, mbajtur më 19.03.2025;
2. Propozim-vendim për plotësim- ndryshimin e Rregullores komunale për fillimin dhe mbarimin e orarit të punës së organizatave të bizneseve në Komunën e Drenasit;
3. Plani lokal i veprimit zbutës për mbrojtje nga dhuna në familje dhe nga dhuna ndaj grave dhe vajzave, Drenas 2025-2028;
4. Propozim-vendim për Kuvendin Komunal të Drenasit për ndarjen e mjeteve nga Drejtoria për Kulturë, Rini dhe Sport nga kategoria e subvencioneve për vitin 2025;
5. Propozim-vendim për shpalljen e Lordit George Robertson, "Qytetar Nderi", i Komunës së Drenasit;
6. Propozim-vendim për shpalljen e z. Javier Solana, "Qytetar Nderi", i Komunës së Drenasit;
7. Propozim-vendim për shpalljen e znj. Madeline Albright, "Qytetar Nderi", "Post mortum", e Komunës së Drenasit;
8. Raporti financiar janar- mars 2025;
9. Të ndryshme.

Kryesuesi i Kuvendit Komunal Bekim Lestrani, pasi përshëndeti të pranishmit, deklaroi të hapura punimet e mbledhjes së Komitetit për Politikë dhe Financa dhe hodhi në votim rendin e ditës dhe kaloi me vota unanime.

Kryesuesi i Kuvendit Komunal Bekim Lestrani, hapi për diskutim pikën e parë të rendit të ditës 1. Procesverbal i mbledhjes së Komitetit për Politikë dhe Financa i dt. 19.03.2025, diskutime nuk pati dhe kaloi me vota unanime.

Kryesuesi i Kuvendit Komunal Bekim Lestrani, hapi për diskutim pikën e 2. Propozim-vendim për plotësim- ndryshimin e Rregullores Komunale për fillimin dhe mbarimin e orarit të punës së organizatave të bizneseve në Komunën e Drenasit. Diskutime nuk pati kaloi me vota unanime dhe rekomandohet për Kuvend.

Kryesuesi i Kuvendit Komunal Bekim Lestrani, hapi për diskutim pikën e 3. Plani lokal i veprimit zbutës për mbrojtje nga dhuna në familje dhe nga dhuna ndaj grave dhe vajzave, Drenas 2025-2028. Diskutime nuk pati kaloi me vota unanime dhe rekomandohet për Kuvend.

Kryesuesi i Kuvendit Komunal Bekim Lestrani, hapi për diskutim pikën e 4. Propozim-vendim për Kuvendin Komunal të Drenasit për ndarjen e mjeteve nga Drejtoria për Kulturë, Rini dhe Sport nga kategoria e subvencioneve për vitin 2025. Diskutime nuk pati kaloi me vota unanime dhe rekomandohet për Kuvend.

Kryesuesi i Kuvendit Komunal Bekim Lestrani, hapi për diskutim pikën e 5. Propozim-vendim për shpalljen e Lordit George Robertson, "Qytetar Nderi", i Komunës së Drenasit. A ka dikush për diskutim, fjalën e merr Arberi.

Arbër Halilaj, tha se duke e pasur parasysh për çfarë personalitete po flasim, mendoj së për shpalljen qytetar nderi për personalitete kaq të larta, kisha pasur dëshirë që Komuna e Drenasit me i propozuar Presidentës me i dhënë dekorata të nivelit më të lartë. Ne nuk kemi rregullore, por titulli qytetar nderi jepet nga Komuna për veprimtari të shquar, kontribute dhe merita të veçanta në shërbim të Komunës. Titulli qytetar nderi u jepet edhe personaliteteve të huaja, e në veçanti për ata persona që kanë kontribuar shumë për tërë Kosovën dhe duhet me ju dhënë tituj dhe dekorata me të larta të nivelit shtetëror.

Arben Shala nënkryetar i Komunës tha se, duke pasur parasysh se Komuna e jonë i ka 8.6 % të numrit të viktimave në nivel të Kosovës, kështu që Komuna ka përfituar shumë kontribute prej tyre gjatë organizimit të organizatave të ndryshme.

Kryesuesi i Kuvendit Komunal Bekim Lestrani tha se, regjioni i Drenicës ka qenë regjioni më i prekur nga lufta dhe kontributi i tyre ka pasur ndikim shumë të madh.

Hamit Haxhiu, tha se, Lordi George Robertson në vitin 2016 e ka vizituar fshatin Poklek bashkë me ish Presidentin Hashim Thaqi.

Kryesuesi i Kuvendit Komunal Bekim Lestrani, pika e pestë me vota unanime rekomandohet për Kuvend.

Kryesuesi i Kuvendit Komunal Bekim Lestrani, hapi për diskutim pikën e 6. Propozim-vendim për shpalljen e z. Javier Solana, "Qytetar Nderi", i Komunës së Drenasit. Diskutime nuk pati, kaloi me vota unanime dhe rekomandohet për Kuvend.

Kryesuesi i Kuvendit Komunal Bekim Lestrani, hapi për diskutim pikën e 7. Propozim-vendim për shpalljen e znj. Madeline Albright, "Qytetar Nderi", "Post mortum", e Komunës së Drenasit. Diskutime nuk pati, kaloi me vota unanime dhe rekomandohet për Kuvend.

Kryesuesi i Kuvendit Komunal Bekim Lestrani, hapi për diskutim pikën e 8. Raporti financiar janar- mars 2025. Diskutime nuk pati, kaloi me vota unanime dhe rekomandohet për Kuvend.

Kryesuesi i Kuvendit Komunal Bekim Lestrani, hapi për diskutim pikën 9. Të ndryshme, fjala për Arberin.


Arbër Halilaj, Unë rastësisht e kam parë një projekt që quhet WiFi4 është projekt EU4 digital, i cili është bashkë financuar nga EU-ja dhe Gizi, ky projekt WiFi4W ofron pikë qasje falas ku kishin të drejtë aplikimi deri në 500 komuna. Projekti ofron internet nëpër sheshe, qytete, gratis, do të ishte mirë edhe Komuna jonë me përfituar këtë shërbim për qytetarët.

Arben Shala nënkryetar i Komunës, tha se Komuna jonë ka aplikuar dhe ka përfituar nga këto projekte dhe është e vërtetë do të këtë internet në qendër të qytetit, i kemi 4 apo 5 pika ku do të jetë qendra e mjekësisë familjare, posta edhe një shkollë.

Kryesuesi i Kuvendit Komunal Bekim Lestrani, diskutime tjera nuk pati.

Mbledhja përfundoi në ora 10:40.

Procesmbajtësja:



Nikelinda Bujupi



Kryesuesi i Kuvendit Komunal


Bekim Lestrani



Republika e Kosovës
Republika Kosova-Republic of Kosovo
Komuna Drenas (Glllogocit)
Kuvendi Komunal



01- Nr 400/01-17299 dt. 12/05/ 2025

Në veshtrim të nenit 58, paragrafi 1, nën-paragrafi h të Ligjit për Vetëqeverisje Lokale Nr. 03/L-040, nenit 34, pika 6 të Statutit të Komunës së Drenasit, Rregullores 12 Nr. 320-19332 për kushtet, kriteret dhe procedurat e ndarjes së subvencioneve, Rregullores MF-NR 04/2017 mbi Kritret, Standardet dhe Procedurat e Financimit Publik të OJQ-ve, dhe Rregulloren 02-400/01-18380 për Ndryshim dhe Plotësim të Rregullores për Ndarjen e subvencioneve, vendimit 01 Nr.020/04-12697, të dt. 07.04.2025, si dhe buxhetit të miratuar nga Kuvendi i Komunës së Drenasit për vitin 2025, me propozim të Drejtorisë për Shëndetësi dhe Mirëqenje Sociale, Kryetari i Komunës paraqet këtë:

**PROPOZIM VENDIM
PËR FINANCIMIN E PROJEKTIT**

Neni 1

Me këtë propozim vendim, kërkohet mbështetja financiare për projektin “Shërbime të avancuara rehabilituese dhe trajtim gjithëpërfshirës social për fëmijë dhe të rritur me aftësi të kufizuara”, të Shoqatës së Personave me Aftësi të Kufizuara “Handikos”, lidhur me mbulimin e shpenzimeve për zhvillimin e aktiviteteve për vitin 2025.

Neni 2

Projekti i Shoqatës së Personave me Aftësi të Kufizuara “HANDIKOS”- “Ofrimi i Shërbime Sociale dhe rehabilituese sipas standardeve për fëmijë dhe të rritur me aftësi të kufizuara”, përkrahet në shumën prej 5.000 € (pesë mijë euro), mjete të cilat do të shfrytëzohen për mbulimin e shpenzimeve për vitin 2025.

Neni 3

Financimi - Subvencionimi i projektit do të bëhet nga kategoria ekonomike e shpenzimeve subvencione dhe transfere/ kodi ekonomik 21/611/73010/21200/0760 të parapara me Buxhetin e Drejtorisë për Shëndetësi dhe Mirëqenje Sociale.

Neni 4

Mjetet financiare barten në konton e Shoqatës së Presonave me Aftësi të Kufizuara “HANDIKOS”, Drejtoria për Shëndetësi dhe Mirëqenje Sociale është e obliguar që për shumën e mjeteve për financimin e përmendur në nenin 2 të këtij propozimvendimi të përcjellë implementimin e projektit, duke kërkuar nga OJQ “HANDIKOS”, që të bëjë raport narrativ-me shkrim dhe financiar përmes zyrtarit monitorues në mënyrë që të njoftojë DSHMS-në për mënyrën e shpenzimit të mjeteve.

Neni 5

Ky propozim vendim hynë në fuqi ditën e aprovimit nga ana e Kuvendit Komunal të Drenasit dhe vlerësimi të ligjshmërisë nga ana e MAPL-së, për zbatimin e tij do të kujdeset: Kryetari i Komunës, Drejtoria për Buxhet dhe Financa dhe Drejtoria për Shëndetësi dhe Mirëqenje Sociale.



KRYETARI I KOMUNËS

Ramiz Lladrovci

Arsyetimi

Bazuar në nenin 16 paragrafi 3, të Rregullorës MF-NR. 04/2017 mbi Kriteret, Standardet dhe Procedurat e Financimit Publik të OJQ-ve, Rregullores Nr. 12/320-19338, të dt. 07.04.2017 për kushtet, kriteret dhe procedurat e ndarjes së subvencioneve, është formuar komisioni me Vendimin 01 Nr.020/04-12697, të dt. 07.04.2025, për shqyrtimin dhe vlerësimin e kërkesave për ndarjen e subvencioneve përmes thirrjes publike Nr.06-400/01-11701 të dt. 01.04.2025, të shpallur nga Drejtoria për Shëndetësi dhe Mirëqenie Sociale për vitin 2025.

Komisioni ka shqyrtuar dhe vlerësuar aplikacionet e aplikantëve për subvencionim të OJQ-ve në bazë të thirrjes publike të lartëcekur, ku gjithsej kishin aplikuar pesë (5) OJQ:

Pas hapjes së zarfeve të OJQ-ve aplikuese, komisioni ka verifikuar dokumentacionet e dorëzuara të 5 organizatave aplikuese, si përfitues përcakton për mbështetje financiare Shoqatën e Përsoneve me Aftësi të Kufizuara "HANDIKOS" Drenas.

Meqë vlera e përkrahjes financiare në bazë të thirrjes publike është 5.000 €, kjo shumë do t'i ndahet kësaj OJQ-je, financimi- subvencionimi i projektit do të bëhet nga kategoria ekonomike subvencione dhe transfere/ kodi ekonomik 21/611/73010/21200/0760 të paraparë me Buxhetin e Drejtorisë për Shëndetësi dhe Mirëqenie Sociale.



Republika e Kosovës
Republika Kosova – Republic of Kosovo
Komuna e Drenasit
Opština Drenas –Municipality of Drenas
Zyra e Kryetarit



01 Nr- 400/01- 17471 dt. 12/05/2025

Në bazë të nenit 58 paragrafi 1 pika (h) të Ligjit mbi Vetëqeverisjen Lokale Nr.03/L-040, nenit 72 të Statutit të Komunës së Drenasit, Kryetari i Komunës së Drenasit, propozon: Që në bazë të nenit 12 dhe 40 të Ligjit mbi Vetëqeverisjen Lokale Nr.03/L-040 (“Gaz. Zyrt. e Republikës së Kosovës”) dhe Rregullores Nr. 02 Nr.400/03-62198, Kuvendi i Komunës së Drenasit në mbledhjen e mbajtur me datën 12.05.2025 të aprovoj:

**PROPOZIM PËR NDRYSHIM-PLOTËSIMIN E RREGULLORES PËR TAKSA,
TARIFA, NGARKESA DHE GJOBA**

Neni 1

Me këtë propozim për ndryshim-plotësimin e Rregullores për Taksa, tarifa, ngarkesa dhe gjoba, miratohet Plotësim ndryshimi i Rregullores Nr. 02 Nr.400/03-62198 të dt. 28.12.2023.

Neni 2

Shtohet tek Neni 24 paragrafi – **1.5.1** Inspektori I mjedisit konstaton shkelje të nenit 14 të Rregullores Nr. 02 Nr.400/03-62198 përkatësisht shqipton masa ndëshkuese kur subjekti apo personi fizike ka kontratë me kompani të licencuar për largimin e mbeturinave (Posedon kontenjere) por shfrytëzon kontenjerët komunal apo kontenjer të personave tjerë për hedhje të mbeturinave.

Shtohet tek Neni 24 paragrafi – **1.5.2.** Inspektori I mjedisit merr masa ndëshkuese nëse konsaton se nuk është kryer shërbimi për largimin e mbeturinave sipas intenerarit (Orarit) të caktuar nga komuna për kompaninë e licencuar për largimin e mbeturinave.

Shtohet tek Neni 24 paragrafi – **1.9.1.** Inspektori i Shërbimeve Publike merr masa nëse: Dëmtohen Objektet komunale – publike apo bënë nderhyrje pa pëlqim të organeve kompetente tek: a).rrjeti i tërësishëm i ujësjellësit dhe bënë ndërhyrje apo mbyll kanalet atmosferike , b). rrugët dhe trotualet, c).sheshet, Ç).hapësirat për parking, d). sipërfaqet publike të gjelbërta, dh). pajisjet për ndriçim publik; e). tabelat për shpallje, ë). panot ndriçuese, reklammat, f)largon apo dëmton kapakët e pusetave, dhe të gjitha objektet tjera të cilat, sipas destinimit që kanë, mund të konsiderohen objekte komunale. Në rastë se personi fizik, përsonei përgjegjes i personit juridik apo personi juridik i cili nuk respekton urdhëresën e inspektorëve, atëherë do të mirren masa sipas rregullores në fuqi.

Shtohet tek Neni 24 paragrafi **1.9.2**. Inspektori I shërbimeve Publike bënë mbikqyrjen e hapësirave publike të cilat shfrytëzohen me anë të terasave të hapura dhe të mbyllura, mbikqyrë kontratat e shfrytëzimit të hapsirave publike më pak se një (1) vitë dhe të tjera, ku merr masa për shfrytëzimin e hapësirave publike të cilat shfrytëzohen pa leje të organeve kompetente që shfrytëzohen nga personat Juridik, personat përgjegjës të personave juridik dhe personave fizik .

Shtohet tek Neni 24 paragrafi **1.9.3**. Inspektori I Shërbimeve Publike merr masa nëse: Kryesi i punëve (personat juridikë, përsnat përgjegjës të personave juridik dhe përsnat fizikë), menjëherë pas kryerjes së punëve, në afatin të cilin e ka caktuar organi kompetent me rastin e dhënies së lejes për të punuar apo për kyqje janë të obliguar që materiali i tepërt të mënjanohet nga rrugët, trotualet, sipërfaqet publike dhe terrenin ta kthejnë në gjendjen e mëparshme. Në rast se nuk respekton urdhëresën e Inspektorëve, inspektorët do të marrin masa sipas rregullores në fuqi.

Shtohet tek Neni 24 paragrafi **1.9.4**. Inspektori i shërbimeve Publike merr masa nëse: Ndërmarrjes të cilës i janë besuar punët e mirëmbajtjes së hapësirë publike – gjelbërimet është e obliguar: a) t'i largojë menjëherë degët e dëmtuara nga kushtet natyrore atmosferike ose nga shkaktar të tjerë, b) të largojë barin e kositur dhe materialin e mbetur në sipërfaqet e gjelbërta publike.

Shtohet tek Neni 24 paragrafi **1.9.5**. Inspektori i Shërbimeve Publike merr masa nëse në sipërfaqet e gjelbërta publike bëhet: a) vozitja dhe parkimi i automjeteve (i të gjitha llojeve), si dhe shkarkimi dhe deponimi i çfarëdo materiali në këto sipërfaqe; b) largimi, djegia, dëmtimi i shenjave dhe mbishkrimeve të vendosura me qëllim të mbajtjes së rendit; c) shtrirja dhe qëndrimi nëpër sipërfaqe të gjelbërta , lëvizja jashtë rrugicave të shënuara për këmbësorë; d) rrëmihja për çfarëdo destinimi, pa u pajisur me leje nga organi kompetent; e) keqpërdorimi i ujit në fontana (hyrja në to, larja e personave dhe gjësendeve, turbullimi i ujit); f) vendosja e materialeve ndërtimore apo çfarëdo materiali tjetër statik (vazo, tavolina, mjete të ndryshme) në trotuar, rrugë, hapësira gjelbëruese, parkingje etj .

Shtohet tek Neni 24 paragrafi **1.10.1**. Inspektori I mjedisit përkatësisht shqipton masa ndëshkuese kur subjekti apo personi fizike ka kontratë me kompani të licencuar për largimin e mbeturinave (Posedon kontenjere) por shfrytëzon kontenjerët komunal apo kontenjer të personave tjerë për hedhje të mbeturinave.

Poashtu tek Neni 24 pas paragrafit në fund 1.32. shtohen këto paragrafe:

1.33. Inspektori i Komunikacionit merr masa nëse: Bëhet dëmtimi i shenjave të komunikacionit, vendosja e policëve të shtrirë në rrugë pa pëlqimin e organeve kompetente, dëmtimi i shenjave të emërimit të rrugëve apo largimi i tyre si dhe dëmtimi/largimi i pahive të rrugës.

1.34 Inspektori I mjedisit merr masa ndëshkuese nëse konsaton se nuk është respektuar leja mjedisore komunale nga subjekti apo personi juridike që e posedon lejen mjedisore komunale apo nuk pajiset me leje mjedisore komunale pas urdhëresës së dhënë nga inspektorët.

1.35 Inspektori I mjedisit merr masa ndëshkuese nëse kompania e kontraktuar për mirëmbajtje të kanalizimeve nga organi kompetent nuk I përmbahet kontratës.

1.36. Inspektori i Tokës Bujqësore merr masa : Nëse gjatë inspektimit në teren vëren shtrirje të zhavorit (materialit të forte) në tokën bujqësore.

1.37. Inspektoret për punët në lëminë e tyre shqiptojnë gjobë mandatore nëse pala brenda afatit të dhënë nga inspektori nuk e respekton urdhëresën e dhënë nga inspektorët dhe nuk prezanton dokumentacionin e kërkuar .

1.38. Inspektoret për punët në lëminë e tyre marrin masa nëse: Personat juridikë, personat përgjegjës të personave juridik dhe personat fizikë, në vendëpunishte nuk kanë të vendosur mbishkrimin e kontraktuesit në vendëpunishte, shenjëzimin e rrezikut dhe rrethojën.

1.39. Inspektorët në lëmi të ndryshme mund të marrin masa nëse pala nuk është pajisur me dokumentacion brenda afatit të dhënë dhe inspektori nxjerr vendimin që brenda 8 dite të bëhet përmirësimi apo kthimi I gjendjes në atë të mëparshme .

1.40. Inspektori merr masa edhe pas orarit të punës apo gjatë vikendeve të përcaktuara nga eprori si orar I kujdestarisë në të cilat vërehen parregullësi në të gjitha sektorët e Drejtorisë së Inspekcionit.

Neni 3

Kjo Rregullore hynë në fuqi 15 ditë nga dita regjistrimit dhe vlerësimit të ligjshmërisë nga MAPL-ja si dhe 7 ditë pas publikimit në Ueb faqen zyrtare të Komunës.



Kryetari i Komunës
Ramiz Lladrovci

ARSYETIM

Pas hyrjes në fuqi të Rregullores Nr. 02 Nr.400/03-62198 dt.28.12.2023, neni 24 ka nevoj për disa paragrafe shtesë që Inspektorët komunal të marrin masa e duhura sipas pikave të përmendura më lart, pasi në teren hasin problematika të shumta të këtyre natyrave. Këto ndryshime nuk kanë qenë të përfshira në rregulloren e lartëcekur andaj, kërkohet nga ana e kryetarit të komunës që të bëjë Plotësim ndryshimin e Rregullores Nr. 02 Nr.400/03-62198 të dt. 28.12.2023.